



◆千嬅多次情緒激動而哽咽。



◆千嬅熱淚盈眶。



◆千嬅感激支持者掌聲鼓勵。



◆千嬅於首場演唱會全以紫色系列亮相。

為支持者勇敢開騷 擁抱不喜歡你的人 楊千嬅承諾 唱到人瑞之齡



◆千嬅前晚沒唱太多大熱歌曲。

◆千嬅親自以鋼琴彈奏《再見二丁目》。



◆千嬅頭場音樂會高朋滿座。



香港文匯報訊（記者 阿祖）楊千嬅一連兩場演唱會前晚於亞博館開唱，完成昨晚第二場演出後，千嬅亦已順利為其巡迴演唱會演出到35場，她更承諾到人瑞之齡仍會繼續唱下去！千嬅坦言今次開騷遇上不少困難，倔強的她在家中偷偷飲泣時竟被兒子發現，因被兒子的反問而解開心鎖，明白到可以為自己喊，更可以為自己開心喊！

楊千嬅於首場演唱會全以紫色系列亮相，整晚共換上5套紫色裙上舞台，不過今次沒唱太多大熱歌曲，反而由多首Side Track歌曲以故事形式演繹，歌迷仍十分受落，反應熱烈。千嬅以《最好的債》一曲揭開序幕，到唱《冬天的故事》時配合飄雪效果，甚有意境，觀眾大讚：「你好靚女！」千嬅聽到甜笑揮手答謝。一連唱了近十首歌，當穿第三套紫色裙上場，千嬅稍露腰姿獻唱《塔羅牌》，唱畢才開腔跟觀眾打招呼：「你哋好嗎？好耐冇見，上呢個舞台之前，我用咗好耐時間諗咗好多嘢，我應該講嘢嘢，同時我亦都用咗好多時間諗吓有啲咩係講得！」

千嬅：返嚟再開個唱是好掛住你哋

她又解釋演唱會以「B Minor」為主題，其實除了有Side Track意義之外：「睇呢幾年裏面，其實自己冇好多唔同嘅經歷同感悟，Minor係Be Humble謙虛，當你懂得謙虛嘅時候睇開啲，之後會將自己縮細再退後睇清楚啲，好多時候容易將自己成為故事嘅主角，但當你退後睇清楚啲嘅時候，我只不過係你哋故事裏面一個好小嘅角色，當你慢慢去消化嘅時候你就明白好多嘅開端未必屬於自己嘅課題，可能係大家嘅課題，想到呢度就清楚知道唔需要浪費好多時間去特別緊張同擔心，就係做返自

己囉！」當千嬅唱到《愛人》時已表現得好感觸，及至唱《一二三三二一》期間爆喊，多次哽咽唱不下去，更兩度以手拭淚，歌迷紛紛大喊「千嬅加油」為她打氣！千嬅亦向歌迷盡訴心中情：「好開心好感動今日做到呢個演唱會，點解咁，叫咗今日自己唔可以喊，但已經好叻！真係好感動，行到嚟呢步好唔容易，我要感謝你哋每一位朋友，山長水又遠好似出埠咁走來我個音樂會，但今次時間好短兩個鐘一場，兩晚，但對我來講呢個係永恒嘅！係咪好奇怪咁嘅時勢咁咁大膽衝出嚟開演唱會，係為咗好愛我嘅人，一路支持我嘅人，好擔心我嘅人，好耐冇見過曾經界機會我栽培過我嘅前輩，好多屋企人，我爸爸媽媽，對我有期望嘅人，我一定會返嚟再開演唱會，同大家講我好掛住你哋！」

千嬅直言從小潮州人家庭長大，硬頸性格至今沒變：「我幾唔開心幾痛苦都好，我係唔會喊，仆到個頭流血我都係唔會喊嘅人，因為我覺得男人知道我好痛會好傷心好煩，覺得自己好廢，所以我從來都唔喊，但點解大個唱歌，見到我失控咁？我見人哋一啲感動時刻就借啲嘢將自己之前唔開心嘅嘢攝下攝下落去一齊喊，所以大家明白我無端端會咁感觸。呢幾年學識比較多時間回歸家庭，發現一樣嘢我係女人嘅嘅！我覺得人最大嘅進步，我承認

自己係會痛、會傷心、會講，咁呢樣嘢好重要，要承認自己嘅感受，先叫活著！」

偷喊被愛兒發現 一語解心鎖

千嬅又再哽咽：「我要多謝我個仔，一句說話點醒我，我以為40幾歲人教10歲人仔，點知俾10歲人仔話返畀我知：「媽咪點解你唔開心？」我有呀！（唔係嗰，你唔開心！）我真係冇！（我見到你喊！）幾時？（唔晚囉！）點解呀？（我見到你嘅房度！）今朝我眼腫咗，就係呢句說話令我覺得點解我要講話有嘢，我可以喊，我係可以為自己喊，我可以為自己開心喊！」全場觀眾鼓掌，千嬅多謝大家分享了她的眼淚：「今日喊係好開心，開心到喊，多謝你哋每一位朋友，順風順水開騷時好high，之後講好多好多嘢，大家掌聲係一個好大大鼓勵，亦都令我好驕傲，但當我最大阻力、最困難時候，得到你哋嘅掌聲係我人生裏面最高光榮，好緊要，真係好緊要，今日我可以講一番說話，好神奇地呢個騷有贊助有三千萬堆頭，有廣告，冇其他嘢，甚至凌駕咗我自己心口個『勇』字，因為我最大嘅贊助就係我所有嘅音樂，所有作曲填詞界我嘅朋友，因為佢哋嘅作品加持咗我嘅人生，加持咗我嘅音樂夢！」千嬅亦感激終於排除萬難，可以返到「屋企」開到第35場巡迴演唱會，這



◆若要花很多時間去消化別人講的說話，千嬅坦言感覺會好疲累。

記憶是一世的！於Encore環節，千嬅感謝服裝設計師陳華國，指自己於人生最低落時曾予以勇氣，寄語大家不要因一兩個人否定自己，反過來要感謝及擁抱不喜歡你的人，並表示這幾年大家也遇上困難日子，千萬不要輕易放棄。由於粉絲十分熱情，不少人走到台邊跟千嬅打招呼，千嬅再度Encore選唱《姊妹》，並笑言大家都要身體健康，唱到人瑞之齡她仍會繼續唱下去，但唱罷觀眾仍不肯離場，她第3度Encore唱出《飛女正傳》，演唱會及至11時40分才完美落幕。



◆成龍擔任本屆電影節公益形象大使。資料圖片



◆第四屆海南島國際電影節昨日於三亞開幕。

第四屆海影節開幕 成龍任公益形象大使

香港文匯報訊（記者 何玫、安莉）第四屆海南島國際電影節（簡稱：海影節）昨日在三亞海棠灣開幕。本屆電影節主題為「向光而生 與影同行」，寓意電影可跨越語言、跨越國界，傳遞影像的光亮，直抵每個人的內心。成龍擔任本屆電影節公益形象大使。演員王景春擔任宣傳推廣大使。開幕式上，沉浸式講述節目《光影之路》將電影畫面從黑白到彩色、觀影方式從原始單一到現代多元的歷程娓娓道來，電影歲月變遷史以實景還原的方式生動折射出光影發展的時代脈動。出席紅地毯儀式及開幕式的明星除王景春外，還有趙雅芝、葛優、杜江、周筆暢等。

黃建新任「金椰獎」評委會主席

本屆電影節「金椰獎」共收到來自全球116個國家及地區的3,761部影片參賽，經

過層層遴選，共有29部影片入圍，將於12月25日閉幕時，隆重揭曉「金椰獎」最佳影片、最佳導演等十大獎項。

「金椰獎」評委會由13位海內外電影藝術家組成，著名導演黃建新出任評委會主席，評委會成員包括詠梅、畢贛、戴錦華等；論壇板塊，邀請到了中影董事長傅若清、博納董事長于冬等；創投板塊，北京電影學院教授穆德遠攜業內多位知名創作人士參與創投終審。

今年備受影迷關注的展映環節共設立「星光首映」、「亞洲新生代」、「影展甄選」、「天涯海角」、「探珠拾貝」、「聚焦經典」等6大單元，匯聚國內外百餘部大片佳作。其中，特別設立的「亞洲新生代」單元，將通過挖掘和呈現亞洲影壇的新活力，傾力打造亞洲電影創作風向標。



◆趙雅芝一身紅裙十分火熱。香港文匯報記者何玫攝



◆第四屆海南島國際電影節開幕影片《保你平安》發布會在三亞舉行。



◆葛優昨日亮相紅地毯儀式。中新社

泳兒寒天選穿多窿裙

香港文匯報訊（記者 梁靜儀）泳兒（Vincy）、林奕匡、雲浩影（Cloud）及余宗遙（DEZ）昨日到港台為《第三十三屆國際流行音樂大獎》獎項揭曉進行錄音。

昨日天氣寒冷，Vincy穿上一條貼身灰色大露背開窿裙現身，林奕匡與余宗遙則穿上厚厚外衣，相映成趣。林奕匡自爆穿了兩條長褲禦寒，又笑言有個奇怪現象，男歌手夏天要穿外套，女歌手冬天則穿得少布。

Vincy笑言藝人穿衣無分季節，因屋企只得這條裙可以穿：「本身有諗住咁多窿窿，屋企得返呢條裙比較啱場合，今日又唔使唱歌，最多都係頒獎陣除低件褸影相，應該頂到，因為太多窿窿，我貼咗咁暖咩嘅褸度，都驚會冷親，因為之後都要出席多個頒獎禮。」她又預告之後出席頒獎禮的戰衣，可能會更大膽更少布，因造型師想挑戰其尺度，而她都願意接受挑戰：「最重要感覺唔係暴露，健康嘅都可以接受。」問到是否對自己的背脊最有信心？Vincy笑說：「背脊其實未Ready，仲可以再白滑，呢排已經好努力處理緊，但我未處理好就要着呢條裙，最鍾意自己嘅手指同對腳，通常我肥都唔會肥對腳，不過呢排食多咗宵夜，都有嘅肚腩仔，不過我好識縮住，同會縮肚。」

聖誕愛交換「廢物」

平時多作密實打扮的Cloud，被問到可夠膽作性感打扮時，她說：「最緊要健康及靚為主，唔影響我身體健康。（最有信心邊個部位？）暫時係個樣Ready，可以靠化妝。」聖誕將至，Cloud表示會與家人及男友簡單食飯度過，她說：「唔鍾意大搞，唔興交換禮物，因為想收到人哋禮物嘅同時，都要送返乜嘢禮物畀對方，不如就咁算。」

Vincy就笑言自己不愛交換禮物，但愛交換「廢物」：「唔好浪費，試過訂咗個假髮返但唔啱用，就趁聖誕同朋友交換『廢物』，但唔好畀自己屋企搞，因為交換完嗰嘢會留低晒屋企。」Cloud即表示都想交換「廢物」：「屋企大把『廢物』，最廢係有把好鈍嘅刀，可以揮嚟交換。」



◆泳兒笑言藝人穿衣無分季節。



◆雲浩影表示屋企有把好鈍的刀可以用來交換「廢物」。